

知止齋詩集

知止齋詩集卷第十五

常熟 翁心存 二銘

古今體詩一百十六首

起乙卯九月勘工易州丙辰督役駐工次往來易州山中

作

發集賢院度盧溝橋

征人夢逐曉鴉興天半朱霞旭采升嵐影萬重凝黛髻
波光百頃浸丹稜無邊秋色涼如許賸我幽懷吐未曾
忽憶五年前此際風雷翊衛送

橋陵

蕭蕭落木度盧溝積雨初停潦未收問路祇愁田父給

乞漿還就野人謀
綠菰紅薯紛無數
白黍黃粱幸有秋
努力村農勤稼穡
早欣涿鹿殄蚩尤

兵馬倥傯記昔年
羽書夜半達甘泉
陣開龍虎天鳴鼓
令肅貔貅月上弦
今日西山無寇盜
遙聞南國尚烽煙
防秋將士休高臥
從古居中重守邊

回首桑乾卷怒濤
畿南三淀水周遭
已看井竈千村失
更峙芻茭百丈高
置鼓先須防寇警
浚隍疇敢惜民勞
白頭舊尹慚無術
面目應難對汝曹

過琉璃河

琉璃河外月熹微
參伐當頭列宿稀
狸製生寒知露重

牛渚多淖覺途非栖叢白骨啾啾語度水青燐帖帖飛
猶有道旁新鬼哭我來攬轡爲長歎

九日書懷

倦翮離襪鶴在臯傷秋人正怕登高看囊未蓄二年艾
分韻誰題九日餽擬脫角巾閒漉酒空餘左手想持螯
涑水途次
跌傷右腕
勝眼前得失渾無據好把心情託孟勞
是日京兆試放

望西山雪

廉纖達曉雨初停銀闕排空插杳冥晴雪遠鋪千嶂白
近山低視一重青遙知高嶺寒先到尚擁歸雲夢未醒

起聽雙橋橋下水流澌敲斷玉瓏玲

集賢院卽事

平池風過蹙縑紋愁緒如絲不可耘擊絮繁聲春夢碎

烹茶活火當鑪熏寒漿酸味牙齦沁

爾雅葢寒漿燕山多有之今京師人

謂之紅姑嬾

楓棹微香鼻觀聞

如橙而小京師人呼爲歐樸以熏鼻煙

病骨支

離聊偃息西窗卷幔數歸雲

集賢院曉起

寒月三五滿照我池上冰清輝相激射上下晶光凝積

雪冒曾嶺鋒鏑排峻嶒嚴霜被原隰不辨畦與塍夢隨

宵梯斷人逐寒雅興殷雷會方軌繁星燦華鐙列宿漸

韜影日出萬象澄長庚大如月睽睽方東升

聞林岵瞻廉訪子壽煦登賢書詩以賀之

帖報泥金一騎馳秦雲飛到轉嫌遲七千里外思親日

三十年前領解時蓮燦重臺開頓沼

莆田學泮池中蓮開重臺則邑有以

第一人發解者郭蘭石大理暨君皆應此花之瑞

桐高百尺長孫枝霜筠雪竹

清芬遠教育多應仰母慈

太夫人苦節撫孤

元旦早朝微雪

丙辰

糾縵卿雲擁

紫微螭蚴拜舞拂珠璣旌旗不動千官肅韶護初鳴五
出霏法雨頌陳虞喜筆天花香滿謝莊衣朝正三日春

先到

先三日立春

應有陽和溥

帝畿

正月十七日

賜廷臣宴於正大光明殿並蒙

御製詩文暨如意繡蟒文玩之

錫恭紀二首

華鐙

清籟九枝陳蕭露

恩醲遠下臣如樂之和雙琯協與民同樂萬方春

頒來

玉食霑仙醞捧出金盤列上珍職掌銓衡裏
聖治疇咨何以答

鴻鈞

雲章仰誦媿賡歌共濟艱難思若何欲挽殞風須紀肅
能調元氣在人和

兩朝知遇酬

恩少六載邇承負職多獨念

九重宵旰切幾時寰海息干戈

玉河冰泮春水沖融撫然有感

玉河波漾綠粼粼又見燕臺物候新
薊北鶯花方就暖

江南煙柳不成春
音書久斷應難問
消息傳來恐未真
何日埽除氛祲了
五湖深處好垂綸

龍翰臣學士啟瑞倡節字韻詩屬和者甚夥
鳧薌丈爲予述之漫和其韻二首

瑣碎橫窗日影篩
擁鑪還復下書帷
不辭公牘披藤紙
嬾向歌筵聽柘枝
寂寂年華成過客
茫茫人海歎無鑿

黃石齋先生語

春來病骨支離甚
枯樹號風怕餓鴟

頻擣黃精細細篩
春寒未敢捲簾帷
但驚鶴斂雛雛翮
不見花開爛漫枝
恨乏千金求大藥
誰調六氣作良醫
陽和已得扶搖力
閒看兒童放紙鴟

二月望于役易州出都遇雨雪

西山雲氣白濛濛
霰雪交霏雨汁融
寒暖未勻春正半
陰晴不定月方中
鞭絲拂柳拖微綠
輪鐵沾泥壓軟紅
跋涉敢辭行李倦
只愁興作礙勾工

燕臺今歲春多雪
難得晴和數日剛
陽氣已看抽宿麥
陳根猶未拔寒蔣
雨絲亂颭侵狸製
霧縠斜飛溼馬柳
不惜征人歌况瘁
播琴或恐大田荒

瑤玉銷鎔列嶂高
奔流曲折到平臯
三春桃汛防新漲
一道桑乾起怒濤
無限黎元方緯耒
幾年征戍念同袍
宵深襪被投村店
跂腳酣眠未覺勞

雪行疊節字韻

不丁徐行似簸篩春泥活活濺車帷已看驚喉迷千里
定少梅花寄一枝買骨儻能真得士折肱未必便工醫
風來幸免塵埃汗不見前旌載畫鴟

發長新店至良鄉

跋馬度盧溝山川攬雄秀南行漸沮洳漫漫無斥堠行
潦何縱橫脂車戒傾覆驚心陷泥淖矯首望巖岫連橋
跨八九迢遰聳傑構想見剗造初伐石工刻鏤豈知沙
水性轉徙乃旁湊危欄平陸臥廢趾急湍激沄沄漾清
波激激瀉春溜觸磯金鼓喧穿徑笙竽奏地勢固卑下

人功貴補救遵塗察原委脈絡可尋究田洫儻浚深經
涂庶培厚經營卅里間未足稱廣袤與梁王政首慎勿
守卑陋况復邇

神京萬方此輻輳何時成亨衢突兀眼中觀歌謠聽載
路夷坦幸如舊我昔偕計車跋涉屢顛仆曩者忝京尹
施功未遑驟軍書日旁午此志竟不就重經面發駢三
喟心滋疚經野迹易循濟物績逾茂覩縷諭後賢吾言
敢虛謬

途中口占

漠漠山坳失徑蹊茫茫路不辨東西行人小憩日方旰

遙聽荒村嘯午雞

款段長嘶待秣芻燎衣且慰僕夫劬雨行飲酒寒威解
比似臧孫聖也無

水態雲容畫不成遙山一角見分明西風收盡征衣潤
知是明朝早放晴

過良鄉用東坡岡字韻

寶塔長留佛日光望諸祠墓已荒涼平橋雪滿泥塗滑
高隴春來草木香柳色漸看生意動槐花還似舊時忙
途遇公車頗多防秋忽憶前年事萬帳雲屯料石岡

望諸君墓

藍田射獵散三軍湖上騎驢看夕曛千古英豪同一哭
傷心豈獨望諸君

途中遇公車南來者

飄零書劍曳長裾拂拭仍偕計吏車遭亂定多拋骨肉
無家遑復顧田廬荆揚轉側兵戈際河沛間關覆溺餘
自是

聖朝恩澤厚未容高臥老樵漁

回首前蹤一惘然天衢我亦著先鞭花開紅豆三千里
夢熟黃粱四十年虛擬構樞支大厦可堪霜雪滿華顛
衰饋自歎婆娑甚整頓乾坤望後賢

度牯牛湖梁二河

我行踰聖水羸馬臨牯牛雙橋橫跨之下有汨汨流居
人來告我此水勁且適夏秋多異漲蕩潏不復收君看
數里外衝馭成深湫前行度湖梁石橋卅丈脩勝國所
營建白玉工雕鏤嘗披古圖經茲境稱絕幽垂楊夾兩
岸寒葦搖三秋晚風送榔響曉月聞漁謳今昔旣殊致
何由豁雙眸但見積行潦汎濫盈道周我聞北方水事
異荆揚州東西常倏忽盈涸難停留挾沙水逾活此說
非謬悠挾活河一名至今理故瀆茫昧不可求遷移誠水
性疏導關人謀如何寫水地鬱鬱桑榆稠侵壤構茅屋

截塍開瓜疇日與水爭地窄同田首溝自然壅則決橫
溢妨鉏耰芟稽月精羽書阻星郵匪惟病農事兼恐
爲

國憂胡不廓清之宣暢逮下游送迎固吏職津梁實大
猷載告賢牧宰未雨當綢繆

永濟橋

猷養蹟久湮涑易浸稱大洪波匯衆流拒馬一川最蜚
狐上通源掘鯉下疏派回環禡陸城沆瀣作襟帶此州
信雄藩輻輳萬方屈不有鉅麗觀何以壯都會緬惟乾

隆年時和道方泰

乾隆二十
五年建

詔發內府金飛橋跨煙靄雙標蟠蛟龍百丈鎮神怪雕
闌虹宛宛傑閣鳳翩翩獻琛集共球述職萃冠蓋計偕
橐書歟商販整車軌天衢坦以夷

帝力神哉沛邇來近百載利濟實永賴去年雨過此秋
水正澎湃南趨射涵洞截窠相激汰謂當導中泓疏淪
寫清快壅閼一以通庶免旁掣害茲行方春中隄石已
摧壞卽看桃汛至深恐阻行邁築塌糜千金塞竇止一
簣司存失先計攬轡發長喟

神功貴遵循會極達中外作歌風有位翫惕毋已太

涿州

雙塔霞標矗三峰霧彩明城開凹字古陂想畫圖精巨
浸苞涑易雄關鑠莫瀛蚩尤今已滅早晚事深耕

發涑水至易州

沙流川壅易遷更涑水空存故瀆名欲訪洹桃二水支名
派別水經注已不分明

萬峰屏列勢巒岈山外風多特地寒北上高原雲樹合
蔥蘢佳氣是秋瀾路距秋瀾行宮二里許

孤雲兩角作旌門名門頭山古寺山腰一抹痕記得年時三
月暮梨花如雪繞山村

石畔流泉灑灑清樂遊原上畝縱橫前宵霖霖沾濡徧

早有山農叱犢耕

路轉峰回見麥畦
山深氣暖勢高低
茸茸綠芻鋪無數
已長新苗一寸齊

山行盡處豁平蕪
墳壤駢剛土上腴
說與外人曾見否
擔頭萊菔大如壺

易州懷古

金臺百尺鬱嵒巍
神駿千秋恨寂寥
祇有虛名尊郭隗
更無靈氣惜燕昭
悲歌慷慨思奇士
廢壘荒涼問霸朝
莫向酒邊聽擊筑
不堪風雨夜蕭蕭

山中督役

曾陰被林巒陽景遞明晦風雲百靈趨變幻一日內連
山互起伏流水迷向背沙光燦若金石理深于黛仰瞻
闢仙局俯察盡物態披衣風泠泠穿徑噉曖曖殷雷動
鼙鑿揆日正植栽庀材課工師執扑巡役輩朝出露未
晞晚歸星每戴

儉德千秋垂

成憲永膺佩

聞雁

春來雁北鄉肅肅事遠征深山當二月始聞嘹唳聲月
冷音愈厲風高響彌清三更來枕上動我獨客情中原

正格鬪豺虎紛縱橫荆揚莽烽燧淮潁飛旆旌得毋伴
侶失無乃矰繳驚胡不傳書來轉恐愁思生更念河濟
外磬磬中澤鳴何鄉覓梁稻莫戀霄漢程

陰雨不止寒甚成雪

枕上聞雨聲寒威被池襲微明射窗牖侵曉雪又集綏
綏下未已淅淅勢逾急回翔到地融飄瞥綠帷入開軒
失前山矧迺覩遙隰身在雲氣中溼絮可俯拾澗草萌
難舒枝禽語尤澀居人添鑪炭行子荷蓑笠燕郊二月
暮農事告春及雨雪方載塗麥苗恐爛浥安得開晴曦
陽和起潛蟄程功有司存荷鉏萬夫立

復雪疊飾字韻

東風吹雪又如飾密點斜侵薜荔帷徑仄藤扶將墜石
天寒鳥避最高枝已嗟馬齒添華髮欲進豨苓亦善醫
試訪山農求大藥輕身先學啖蹲鴟

冉冉長空玉屑飾悽悽孤館下重帷饑鴉覓食掇殘粒
乾鵲安巢戀舊枝熱不因人常滅竈病能勿藥卽中醫
仙方擬向龍宮借炙鷲還須倩一鴟

課役徒疊前韻

披沙蒸土密加飾細葢茅苫護席帷盤石先成青玉案
築牆須徙碧梧枝習勞運甓能祛疾養性觀山勝覓盤

閒與工師諮物象中唐餽餽辨鳩鴟

雪中部役赴工作

同雲漠漠連峰沒微露山根青一髮雪花片片長空飛
素練橫斜羃林樾須臾風動雲氣斂瑤闕瓊宮敞高揭
蒼茫坡隴互隱見遠近煙巒失凹凸冬冬鼙鼓徵役夫
閣閣懸絙選徒卒爬沙蟹爪行蹣跚濡尾狐冰聲窸窣
今年北地春多寒雨汁連旬過二月枯荻糾結凍塊堅
徂隰何由耕一垓桃花春漲行復生那免三農啖糠粃
汝曹飽食水衡錢絕勝深山采薇蕨鶉衣莫憚風蕭蕭
龜手邊辭泥滑滑官家興作有定程勤惰分明敢暫歇

晚山欲暝雪愈盛裊裊炊煙生竈突千夫漸作鵝鴨散
我亦歸來洗鞢鞢亟須輒腳沾村醪一醺茅柴傲臧紇
三更夢醒風雨鳴臥聽槽邊芻豆齏

喜晴

連日多陰迥今朝乍放晴雪消山骨露土暖草心萌新
蝶翩翩舞春禽格磔鳴遙知涖易外高隴有人耕

山居作

兼旬雨雪霏晨起忽晴朗土膏動融和春氣已盎盎含
稊柳絲垂卷旆草心長偉哉造化功一氣回萬象我生
已衰朽暫得息塵鞅雖無畎畝樂幸慰煙霞想披襟暖

風柔坐石流泉響遙望長松巔孤雲自來往

山居信可樂勝在城市中城市亦何有堆案文書叢我
本麋鹿姿早歲羈樊籠茲來躬力役心靜萬慮空聊與
羣卉木貽蕩搖春風米麴直旣賤腴菜亦頗充輕身餌
伏苓祛溼采鞠第一尊金瀾酒陶然樂融融

山中春已深忽忽望節候陰晴變旦暮寒燠判昏晝被
池裝重棉藥醖酌五醖幽思忽不愜長歎隘宇宙豺虎
方縱橫吳楚猶戰鬪近聞皖豫交青犢起逋寇

王師如雨下何日凱歌奏天狼明煌煌矯首望參宿

聞道

聞道淮陽寇披猖近宋郊封狼方出穴妖鳥未離巢選
將聽鼙鼓行軍歎斗筭腰間三尺劒誰爲斬長蛟
豺牙常必厲虬角久潛蟠賴有霜威肅能令鼠膽寒謗
書騰薏苡載道挈壺簞戎幕今重贊施功想倍難

指日

天兵下當行斧鉞誅風霆宜迅掃蔓草恐難圖河濟多
鴻雁淮淝足虎貔諸軍須努力早晚靖荏苒

二月二十六日睡起出門至梁格莊和東坡韻

山居遠城市客俎久無肉糝羹波稜香飯甑杭稻熟野
人慣此味飽啖興自足北窗攤飯臥夢好更須續不知

塵世事擾擾雜歌哭詩成還自寫語澹無人讀

村村聞酒香社散人擔肉春風吹我去蹊徑來往熟耕
犢飲澗泉寢訛態各足收童發遙唱天籟孰能續節候
近清明荒壟聞野哭嶙峋三大碑剝蝕不可讀

寒食二首用少陵韻

令節仍寒食中原未息兵餘春嗟晚晚來日又清明桑
柘懷鄉國鶯花想

帝城炊煙江漢斷老淚灑縱橫

鼎湖弓劍近

儉德見

堯心風日江山麗
干戈歲月深
五雲高永護
六載恨難
禁石馬長嘶
立誰爲杜甫吟

清明

昨夜風聲送雨聲
今朝忽喜放新晴
綠坡春草茸茸長
漱石流泉泐泐鳴
那有閒情追杜牧
更無佳句擬韓翎
烽煙千里音書斷
夢繞松楸百感生

連旬雨雪土膏凝
曉日晴烘暖氣騰
乍脫綿裘輕過鵲
初嘗乳酒冷於冰
空齋獨臥如坡老
右臂偏枯似少陵
差喜眼明能識字
焚膏更試讀書燈

華蓋山

寓廬西南向面對華蓋山山高無松柏戢戢多荆菅朝
昏瀉飛瀑一洗石骨頑絕壁兩石室窈窕開雲關時復
見仙侶躡屨相往還擾擾下方人可望不可攀我生乏
仙骨腰腳况老孱夕陽忽西匿流水空潺湲

上巳日出游信步所之和東坡韻

東風吹斷檐前雨新柳千絲覆深塢欲尋山寺西山西

怪石蹲岡屹相侮

去此十餘里有秦甯靜覺諸寺

卻循幽磴過龍華

地名

小憩茅亭方日午路人聚觀共驚笑野老逢迎相爾汝
塍間拍波鳧鳴飛屋外拏雲松檜舞輶轡汲井灌春畦
始歎山農北方苦憶昔鄉關脩禊事高會羣賢孰賓主

滌洞琴水照影清窈窕
禺山鬬眉嫵獨將兩眼洗雲水
那有纖豪沅塵土羽觴曲折汎桃源
缸面芬馨溢蘭圃
偶攜瑤徽彈曉角徑坐筍將造竹所
城西簫管鬧如雲
一任三橋游士女爾來陳迹又卅載
舊夢飄零成仰俛
譬如枯樹閱春秋出火流膏自煎煮
捷書未聽奏凱歌
樂歲猶欣聞好語安得金人水心劔
麾斥妖氛滌寰宇
重陳雅樂酌匏樽無復春原聽戰鼓
年華似水去不回
皺面觀河已如許鄉信何論浮與沈
幽居且卜盤之阻
會成後序續蘭亭歸詠襟懷聖所予

欲尋泰甯靜覺諸寺遺址不果率成長篇

春寒不見花忽忽過上已觴詠思蘭亭祓除想溱洧遙
望雲蓋峰去此十餘里下多古廢寺花木頗清美乘興
欲往游塵俗洗毛髓與夫憚路長紿我辭譎詭備言鳥
道仄險滑不留趾我心無適莫可已亦復已僮僕買男
去歸纔日吁耳覩縷爲我言眉間各色喜初云踰重岡
涉澗行逶迤每當山徑轉劣足容車軌繼云逢深林夾
道開桃李如游山陰道向背迷顧指徑來石壁下照眼
燦紅紫戔戔雙浮圖對立插空峙倚天紅杏栽萬樹散
霞綺陽崖列諸寺今無一椽矣想像聞清鐘徘徊存廢
址尚有落薛碑歲月差可紀

弘治年造
萬曆年脩

海棠枝蒙茸山

蘓態旖旎仙人碧玉枰松下聞落子清泉飛泠泠瀉作
三池水聞有石魚游沈沈呼不起老兵煮泉餉釀味勝
飴旨春花自開落何人肯來此我聞發三喟志乘頗蕪
鄙惡札書連篇繁辭芟二氏網羅遺珠玉掇拾收稊秕
遂令名勝區無由紀成毀頗聞乾隆初紺宇敝金庀何
時構連雲一旦平若砥變遷感滄桑浩蕩賦沉芷酣眠
且臥遊夢入白雲裏

靜覺寺卽吟臺故址相傳是馮道宅

夕照滄涼佛寺荒有人齒冷說瀛王白頭長樂道遙甚
肯向深山築草堂

杏花盛開和東坡韻

簾前雙燕捎深春青山窈窕窺幽人宵來蹋月弄清影
不見荇藻涵青蘋今朝紅杏忽爭發萬樹高低噴香雪
一株旖旎來牆東薄醉酡顏倚明月看花對月中庭中
豪情不放金樽空眼明肯讓宋學士雨行列燭如椽紅
早發過半壁店

駘蕩東風迎窈窕西山送宿露柔荑滋曉氣晴霞凍微
行深谷度疏理薄寒中回望羣峰橫飛翔若鸞鳳排空
出錦繡懸瀑蔽巖洞照眼繁英明娛耳春禽哢行過半
壁店泉語雜市閨稽首長桑君願入鈞天夢

華陀廟杏花數株甚

漫爛

荆軻山

劍氣縱橫入石理石根皆作鋒棱起土花凝碧飛血腥
壯士千秋心不死咸陽殿上骨已灰登車一去不復回
誰招毅魄薶石塔孤墳高等黃金臺怪石盤旋氣悲壯
猶似當年環柱狀殿上無且殿下郎森立排空屹相向
可憐鵲首竟賜秦頭顱枉送樊將軍白楊蕭蕭筑聲絕
不如歸拜要離墳

易州

星臨華蓋

山近山傍

鼎湖尊南北環三易

易水有三

東西闕二門

易州無南北門

扶風資

劇郡拱極啟雄藩教養需賢牧須教薄俗敦

易州訪蘇園不遇

州人趙允澍康熙甲午舉人構蘇園奉母課子隱居不仕同時

諸公題贈甚夥吾鄉蔣恆軒相國亦有詩

竹徑茆亭蹟已荒蘇園難訪舊山莊南沙相國詩篇在

不見高人趙雨蒼

涑水

萬笏倚岩堯孤城鎖寂寥山圓疑覆釜屋小號團瓢下
澤菰蒲長高原聚粟饒耦耕無伴侶生計問漁樵

曉發涑水

清溜鏘冰玉連峰帶玦環人過中易水雲戀大房山曉
日滄溟外春風澹蕩間垂楊籬落畔一笑露桃鬟

琉璃河

比戶衡閭密衝途水陸兼船通三輔粟市販二沽鹽泉
布行多壅當十錢過良鄉卽壅開不行魚鰕價尚廉東西環易潞笕
鑰令宜嚴

四月十六日發京師再赴易州

歸塗指莫春脂轄及初夏行役若踐更吾生少休暇小
憩能幾時青陽已代謝徘徊撫序移瀏覽悟物化微聲
聞草木濃蔭翳桑柘紫莖筍抽蒲綠蔓瓜引架糝衣柳

絮黏鉤帽棗花亞飲馬通津枯捷徑小橋跨生意信足
娛驕陽吁可怕蹋月貪宵征載燧乃夙駕日行逾百里
計程僅三舍邁征雖適願久旱恐害稼萎黃驗麥苗翔
踊間穀價安得興油雲酸然時雨下平疇禾黍茂急溜
溝渠瀉衝泥亦欣然腳踏雙不借

大石嵎產稻稠長實大色白逾玉味甘而香江鄉
杭稻不是過也

大石嵎前玉水腴養成杭稻粒如珠若教水利興燕薊
可省東南轉漕無

蓄洩方多紀稻人督亢水性亦肥仁畫圖定有溝塍法

亦立枯湖田舊史氏載筆良非誣

吳竹橋先生賦古梅行

至今百

餘載清芬播路衢巍巍雙綽楔過者爲嗟吁小子慚薄植無術匡艱虞述德增彤管潔白期勿渝

喜雨

炎飈扇連旬乾暵周晦朔雷車隱砰礧霞彩映斑駁驕陽灼肌焦飛壑襲衣撲龜背塢汗萊牛蹶蹴犂确根萎徧來牟蔓枯到瓜瓠臨溪泉已竭汲井水逾濁

聖皇憂民艱常膳先徹樂

升香達

三霄禮玉陳一珏

精誠通

穹昊膚寸起恆嶽峩峩大青峰高去天一握初如仙戴
笠俄似室環幄雨聲猶未至涼氣已先覺烝徒息邪許
百堵停約椽飯牛發商歌脫輓倚重較滌垢快披襟執
熱皆願濯崇朝高下徧四野苗穎擢近郊旣涵濡遠勢
更綿邈清流長洄洑旱塊蘇薊涿神功信奇偉膏澤正
優渥遙望紫荆關雲表露雙角

得家書知兒子同龢應 廷對蒙

恩擢一甲第一名賦詩紀

恩卽以勛之

泥金帖自日邊來報道

彤廷蕊榜開薄植何因邀

拔擢

殊恩有意重滋培天衢已奮雲霄翼

帝簡方資杞梓材努力讀書求實用高文典冊在蘭臺

鵲巢高倚頻宮圓湖會琴河第一弦漫聽鄉邦誇瑞兆

可能聲望繼前賢新堂十載符佳話丙午重建會館敦睦堂自是科名鼎

盛講席三升許比肩寶生濱石兩君皆嘗從子遊差喜吾家傳盛事

科名偏在丙辰年族祖鐵庵公以康熙丙辰登第

貞松慈竹色常青予家兩節母苦節六十明發長懷詠年得延兩世一綫之緒

鵲鴿官冷胸陽時滅竈堂開石室憶傳經三秋鶚薦抽

身避萬戶鴻磬掩淚聽

先大夫任海州學正十二載振災八次秩滿保薦知縣力辭不

就先母卻金助廉以豆粥麥飯餉口

爲語汝曹須自立家風清白守儀型

句臚三唱極崢嶸若論科名勝父兄敢說文章能報

國恐因溫飽負平生連句尚待占霖雨四海何時洗甲

兵驛騎不勞頻送喜白頭愁病臥山城

五日和東坡端午游真如韻

自我來京華已過七端午夢隨綵絲焚心似灼艾苦今年住深山佳節童僕數市遠無盤飧也自具角黍辟兵閔蒼赤懷石弔荆楚何時豁妖氛涕泗不能語江心鏡

黯澹湓口水騰煮惡日呼符師吉午禱馬祖重鎧練犀
兕揮羽整貔虎和衷勛諸將慎勿相齟齬

還京師早發憩易州

雞旣鳴矣夜未央鳥噉欲沒低回翔明星有爛爭月光
脂車發軔乘夜涼砭水激激濺帷裳村厖如豹嗥跳跟
林間格磔號驚鷓登山九折盤迴腸亂石草際蹲牛羊
稜稜痠骨削劒鉞山田犂确已半荒桔槔汲井形低昂
麥苗吐芒三寸強僵立亦作黃雲黃金丸一點升樽桑
下視人海青茫茫羣峰西來從太行北列屏障如堵牆
南俯涑易控督亢回颺東起環瀛滄四方雲氣飛頽頽

安得霖雨敷沛滂朝煙周幕樹鬱蒼州城斗大開巖壘
城垣古井深復隍易州無南門城牆上建火神廟廟前一井深通地脈自端午至十日爲廟會百貨闐集不減鄭州婦子雜還提筐筐逆旅小憩馬繫柳塔顛
鈴語替戾岡

出都至易州感懷

顥氣從西來我正迎秋往半年事巡功三度理征鞅初
來方二月霰雪壓輪輞再至值煖乾冠蓋積氛塊茲行
當秋中雲物漸高爽濛濛雨已收杲杲日初上我我山
擁髻坦坦路如掌油油黍稷茂恹恹鉤鎌響引蔓籬垂
瓜疏花橋覆蔣苟非旱澇區亦足稱豐穰澁懷紆煩紆

陳迹勞俛仰極目望秋穹悠然發遐想

桑乾水蕩滴浩浩連滄瀛瓠子久未塞蕩蕩吾山平畿
南仍苦旱禾黍存枯莖蘊隆氣搏激戢戢蠅子生充徐
逮吳會舟楫膠不行半載不得雨千里無人耕海運苟
闕額

天庾何由盈况復邇年來園法權重輕郊關已壅閼塵
市常喧爭食貨八政首念此心忤忤涼飈正淩厲羽檄
馳縱橫磬收司號令何時銷甲兵

矯首睇中原悲歌夢南紀連天草木腥匝地烽煙起白
下成莽墟朱方多戰壘慘澹三茅峰沸騰兩沔水時危

將星隕

向提督榮歿於軍

軍散鼓聲死流民十萬衆避亂到吳

市戚戚歎無家悠悠念我里卹緯有孤嫠守舍唯穉子

昨者附書來問關北上矣

曾純書來云將奉長嫂入都覲省

松楸且不

保田園固如屣消息恐未真扞衛竟何恃故鄉安足戀
時事乃如此

駐馬易水上想像黃金臺靈氣久銷歇燕昭安在哉時
無望諸君勳業何由恢真人起樓桑良佐追伊萊緬惟
黃農初皇圖此地開神兵埽妖霧桐鼓聲如雷合符朝
萬國釜山高崔嵬耕鑿固帝力毗輔資羣材我來攬形
勝懷古空徘徊世運有升降天心可挽回救時待良弼

拯亂須奇才仰觀傳說星煜燭明中台

道中口占

曉霧冥濛暑氣清眼前行潦尚縱橫芋魁煮飯瓜廬底
中有田家笑語聲

石道嵯峨礙棧車道旁秋色亦清嘉疏疏密密叢蘆葉
淺淺深深籬豆花

白憐菽麥如鋪雪黃愛葵花只向陽一隊羸綱山外到
微風吹過棗梨香

涉水蹊田歎路歧長楊莊名南北渺無涯六橋半圯谿流

漲想見闌風伏雨時

曉行良鄉道中

露氣微茫帶曙星，徑穿官柳尚冥冥。
鴉巢林杪蘚花碧，蛩語草根燐火青。
缺月暉暉鏹影動，殘更閣閣櫟聲停。
西來一騎衝煙過，耳畔風吹項下鈴。

秋山雨洗碧巔峴，長劒橫空特地寒。
老樹婆娑生意盡，閒雲留滯欲歸難。
溫暾初日舒晴彩，挾活河流瀉急湍。
差幸高原禾黍茂，桑乾回首水漫漫。

自涿州至涑水道中口占

二水分難辨，易涑臨流欲厲且徘徊。
瓜皮艇子長三尺，兩岸懸繩穩度來。

團瓢布席請比鄰
鐃鼓喧闐笑語真
稂莠早除螟螣去
村村秋社賽田神

紫蒂檀心暈碧霞
金鈴箇箇護交加
秋來十日晴光好
開偏高原吉貝花

明星萬顆挂林梢
叱叱微聞拄杖敲
記得前番停轡處
繁花麗毳壓檐茅

腔邊環植一叢叢
帚尾勻圓別撿紅
莫讀毛詩如爾雅
茗華誤認作霜楓

秋陽如火爍征鞍
下酉潢汙上酉乾
日午且投茅店憩
村醪何處覓金瀾

淶水二十里鋪渡河見飛蝗

晴沙兩岸白皚皚忽見飛蝗撲面來
聞道前宵初入界至今結隊度清淶
高秋幸已收禾稼斥鹵原多長草萊
祇恐田間遺種在敢云有蜚不爲災

中秋卞子城刺史寶書餽蟹和東坡丁公默送蟪
蟀韻

山深更乏杖頭錢堆案惟餘苜蓿盤
煩致雙螯酬令節遠貽一簋勸加餐
新開缸面能扶老細擣薑芽好耐寒
今夕祇愁風雨到無繇坐對望舒團

中秋無月和東坡中秋月三首

去年中秋月照我紅橋東今年悲秋人獨坐秋山中沈
沈羃嵐靄寂寂垂簾櫳邀月月不見但覺杯影空不如
去年夜幼子猶相從月亦韜精彩閔此七寶宮中原盛
豺虎八蜡多昆蟲疇回造物心拯彼蒼黎窮具區卷飛
沙百歲驚罕逢

吳中旱蝗太湖水涸

枯魚中夜泣噓沫聞噉喝

秋月使人悲歲歲照離別飄零經數載今歲更淒咽收
謚待幾時流光歎虛擲徘徊涌玉盤晚晚開銀闕煙陣
從西來排空度林樾

是夕飛蝗從西來過華蓋山前若煙霧

回風墮深叢

浥露抱寒葉老農扶杖訴辛苦難具說深恐禾苗空齧
蝕到棗栗連峰黑若雲布地白於雪涕淚理蝗餘肝腸

已摧絕

逢掖治軍書月暗刁斗清

大兒同書佐江北軍務

扁舟江上泊提

挈間關行

孫輩將闔室北上

玉堂坐揮翰退直門常扃燈昏聞

婦歎病榻呻吟聲

六兒同蘇以婦病纏綿百事俱廢

一家異地隔轉怕

明月明既經亂離苦矧復饑荒并獨坐百憂集炯然撫

青萍逝將埽氛翳快覩玉宇晴年華秋葉脫富貴鴻毛

輕陰蟲咽露語惻惻傷我情

飛蝗歎

半天昏黑日亭午疾若衝風吹暴雨橫空布陣下平疇

終夜有聲聞振羽東西指麾有神助跳躍溝塍敢予侮

波翻萬衆齊出譟雲集千村卷禾黍緣髮撲尾嚙馬牛
食葉連根到場圃貪夫或恐隨督郵炎火何由昇田祖
晚禾未熟且穫刈鎌鉞無容辨橋楸隴頭散亂理蝗餘
涕泗霑胸遑致語今年不雨夏至秋照灼九輪蒸溽暑
桑乾滹沱河涕間又值馮蠡恣回怒陰陽互結質變化
水旱相乘氣騰煮蠹生戢戢多於毛覃及幽燕起齊魯
况兼赤地里三千淮海維揚逮吳楚連兵歲久踰四稔
計食不能人二鬴明年海運闕正供那有餘糧實
天庾已經儲積議九列豈意災荒徧三輔吾

皇仁德邁唐宗

宵旰焦勞閔民苦

詔書愷惻慮深遠

申命疆臣勤撲禦手量螭子八千斛躬歷茅檐百萬戶
徐籌賙卹分重輕更察夷傷爲摩撫魯恭卓茂爾何人
同作王臣爲衆母坐觀不救豈其然忍令一夫或失所
豐年欲夢衆維魚苛政先除猛於虎消除六沴在人事
儻召祥霽慰

聖主

乘興游北石叟村

幽意忽不愜南驚登高原連岡踰八九下投石叟村村

中數十家風俗清且敦編茅蓋土室插槿當籬藩邀我
坐團瓢酌我奉瓦盆爲言貧薄甚幸免賦役繁飛蝗前
日來黍稷賸槁根屋後菜一畦守護猶僅存導我入廢
寺香火冷不溫短碣立深草古鐘臥黷垣依稀嘉靖字
點畫手可捫居民方醵錢葺治報佛恩畫工三五輩梯
壁圖泥洹自云家近漳漳水流奔渾連歲卷村落幾欲
爲魚鼈今年又苦旱蝗陣如雲屯挾技出覓食辛苦難
具論我聞三太息稽首白足尊秋風埽枯葉佛亦悄不
言歸路斜景匿曾巒已黃昏

東還和昌黎韻

我來方秋中及茲秋已晚年隨芳草衰心共流泉遠土
功行將蕺役車亦當返猶有嶺頭雲顧我態婉婉載脂
刈生芻解輓餐糲飯豈不念友朋在牀歌息偃

雨霽發易州工次

空山風雨來台沓勢未已豫愁詰朝發涉澗水沒軌三
更枕上聽淅瀝聲漸止展側寐不安荒雞喚我起起視
星斗繁秋空淨無滓恩恩卷襍被僮僕色欣喜載脂更
還車我馬欲東矣隔山聞潺湲水聲猶在耳

南經半壁店插腳觸泥洏東上荆軻山險滑不可過晨
鐘溼猶舁牛鐸冷相和危崖礙輪摧急溜舂石破琮琤

金奏喧偃蹇樹僵臥遙知昨夕陰山外雨更大遺蝗抱
葉枯滌蕩良可賀策杖撥深叢草間無一箇

夜渡涑水

束炬趨清涑問渡夜方半刺船聞無人津吏不可喚村
民代持篙度我登彼岸民云我識官來往此經慣官居
京城中肉食飽芻豢未知何職司諒不在閒散大氏分
曹部如農各有畔何緣常過此歲歲騎款段將毋董役
徒鉤稽工布竿暑寒迭踐更跋涉不遑憚今年春夏間
畿甸苦旱嘆蝗蝻多於土禾黍嚙皆斷况聞江以南生
靈久塗炭何時息干戈得免罹患難官今在朝端理合

共助贊雨暘何以時災患何以扞應如此水清終歲流
渙渙溫和常無冰不識凝與泮泮水終不然善治賦持
籌似劉晏不然且習勞運斃學陶侃胡爲兩無成辛苦
徒畫墁面黔逐烏興髮白若絲亂得非無所能資性又
庸憊徒守硜硜操鞅掌聊自追聆辭未及終頽顏媿生
汗所責誠有之安敢蹈欺謾芒然攬轡去俯仰起三歎
北斗正西揭明星光有爛

涿州聞雁

嘹唳高飛過督亢今年棲畝少餘糧涼秋九月燕臺外
又向江南覓稻梁

彭蠡西風咽鼓笳洞庭六月卷飛沙不知煙水濛濛裏
可有羣鷗宿荻花

千里寒光照鐵衣宵征肅肅共南飛羽書露布傳來捷
好望明年二月歸

知止齋詩集卷第十六

常熟 翁心存 一銘

古今體詩一百四首

起丁巳再赴易州己未引退庚申移居南城辛酉七月一慟絕

筆嗣後彼 詔
再出遂無詩矣

四月九日發京師往易州

丁巳

前宵半尺雨晨起雲尚翳肅將奉

簡書過發整車軟春泥濺馬障淫霧擁狸製燕郊久曠
乾不願遽晴霽驅車過闌闌曉市競錢幣園法昧重輕
鐵官久壅滯逐末爭錐刀平直等珠桂忝當判度支何
以拯流弊憂心念時艱極目視天際暫辭簿書煩敢結

煙霞契

道經城西隅杲杲日初旦鐘聲寺中動施飯未及半鳩
形若蟻集鶉結似魚貫扶攜到老穉提挈雜瓶罐排牆
衆聲囂爭道人影亂後來狼狽升得食鵝鴨散日營四
海寬閔默發三歎區區煦嫗仁亦足振頑悞乾坤含瘡
痍蒼黎半塗炭側聞聖人言化育貴幽贊

良鄉城南經過

郊勞臺感賦

豐碑屹立

勞軍臺金甲銀刀捧

日來萬丈光芒

奎藻期

十全神武

帝圖恢於今南服連旂動憶昔西陲奏凱回麟閣功名
成往事濟時誰是出羣才

涑水感興

清涑沙擁雪皚皚照我三年六度來祇覺觀河顏面皺
可堪攬鏡鬢毛衰空楊出火燭根斷敗屋墁牆過雨積
默察川流參物理老夫懷抱幾時開

空螭子

婦從姑弟隨姊齊向田中挖蛹子蛹子若生人卽死去
年八月飛蝗來排空布陣雲不開秋禾已刈賸莠麥天
寒蝗槁幸未成奇災蝗蟲雖死早遺種鑽入土中蟄蠶
蛹三冬無雪壓不深暖氣浮蒸便蠕動君看剛壤最韌
堅已露微芒似鍼孔若教戢戢振羽飛空理蝗餘泣高
壘挖蛹子蛹子徧田塍乘陽土脈將償興袂衣盛春重
不勝挖來持向官中易蛹子一斤米一升攜歸與爾共
一飽明日挖蝗氣倍增挖蝗子鋤鋪須合併努力朝昏
免災肯掃除淨盡仗神明村酒豚蹄賽劉猛

卽景

溼雲如絮擁前山寸碧微茫露髻鬟
天半風來忽吹散可能霑灑到人寰

榆莢紛飛滿地鋪輕圓能似五銖無提壺喚徹渾難買
一路春風聽鷓鴣

見田間饋餼者慨然有感

新雨一犁足春鴈方趣耕及時務南畝胼胝勞吾生家
人來餽汝攜筐負瓶罌香炊搏黍飯芼熟羅葵羹箕踞
坐隴上雜還壺漿傾幸得畎畝樂不聞鼙鼓聲念彼荷
戈子七載事遠征寒暑頓芒刃瘴霧迷旆旌悲歌虞殞
短微命鴻毛輕宵眠長坐甲薜食時呼庚睂睂褐之父

空睨酒一盛近聞淝水外索饒謹環營饋餉急飛檄科
斂腋疲忙艱難惜天步何日方銷兵

蝥生

捕蝗如捕盜當及初萌時早時弗撲滅蔓延遂難治去
年秋八月飛蝗來較遲禾稼盡刈穫轉生慶幸私豈知
潛孕育入土類暗滋

聖皇厯遠慮渙號宣

訓辭置吏承

德音收捕樹大旗勸民急搜掘毋俾蟲孽遺振廩堆粟
米概甬平易之惰農尚偃蹇謂何勞我爲嶠陽乘孟夏

雨過流炎曦鬱蒸氣頓動趯趯驚螽斯一夕徧阡陌二
麥含瘡痍野老坐壟上四望吞聲悲芟除弗早計後悔
應難追我來聞此語感激摧肝脾滔天有巨寇起自西
南陲官吏尚泄忽彼氓又何知所慮橫空去日月爲蔽
虧三度復遺種億萬無窮期神功或可拯人力誠難施
殄殲界炎火當荷蒼穹慈

過涑水贈曹梓坪大令聯城

兩年十度涑路熟來往慣機心忘鷗鳬市閭雜鵝雁具
言賢侯來輿誦翁無間不知何設施但覺官事辦昨登
樂遊原喜遇蕭給諫爲子致殷勤云子宰山澗憶子廿

載前入試兩角卅鴻文波千疊好語珠一串拔萃來長
安平行躡飛棧摧翎阻修塗俛首就薄宦寂寞儒庠寒
院晚縣符綰終當跨浪鵬下視笑樊鷁環畿物浩穰近
日俗譸幻霜威厲鷹隼風教服虎賤孟夏驕陽蒸蟪蛄
伏葭亂害苗防浸淫遺孽務鉏鋤繫予領度支衰朽更
遲慢家資謝卜式心計媿劉晏轉餽糧誰乞連營甲傭
擐重輕九府淆遠近衆口訕逝將投劾去漁釣理罩汕
素懷甘澹薄此語敢欺謾顧念時艱虞何以弭憂患分
當効馳驅夫豈戀芻豢鴻鰥集千村鶉結露兩肝清淥
灌溉徧報最日夕晒

再簡梓坪

徹底長深照眼明
潏洄右輔拱

神京由來地是扶
風劇難得官如此
水清千斛遺蝗酬
厚值一犁新雨勸
深耕下車市月牛
刀奏會聽郊原起
頌聲

燕昭王墓

縣圃崔巍十二層
可能雞犬共飛昇
燕昭莫道無靈氣
秋雨秋風問茂陵

羊城感事

越王臺下敞牙門
葢海椰帆日月昏
黃籙齋開來鬼朴

白雲洞窺聽神言銀刀忽報親軍撤金械俄加節相尊
絳帕蒙頭千古恨可憐孤負

兩朝恩

一髮中原隔怒濤靦顏微命等鴻毛窖中幽合囚梁道
厠畔深宜縛巨高督戰更無蘇武節防身誰贈呂虔刀
天誅縱漏恢恢網史筆應難斧鉞逃

自題藥洲訪石圖

戊午

崢嶸屨閣排空出天遣薶藏付童律神龍拏攫守榕根
下有驪珠三十一英光長閟七百年鬱律蟠伏全其天
悔將混沌書眉手鉤取蕤賓躍九淵自從剔蘚鐫落後

夜夜乾文射南斗豈有夸娥負以趨只愁寶鼎終遭培
羊城眼底風塵昏劫火燒殘字儻存升沈顯晦孰得失
可惜璫璫石不言

潘星齋侍郎曾瑩退直侍書圖

潞公致政仍居洛天下安危繫憂樂神功收斂入毫端
元氣淋漓涵六幕侍郎玉佩垂金魚退直雍容論譔餘
南陔絮膳方調鼎東閣延賓更侍書外含渾厚中遒勁
垂訓諄諄在心正由來舉筆不忘規累葉臣良成

主聖威鳳翀霄鶴在陰一家義獻重璆琳好將神化丹
青手寫出平生鐵石心山頽木壞人千載切切祥琴聲

已改散帙摩挲手澤存披圖夢寐音容在卽今辭墓還
趨朝韋平家學媿管蕭憑君挽底千鈞力淨埽乾坤氛
祲消

魏氏樂賓堂圖爲魏上舍炳虎賦

迢迢故國三千里寂寂高風四百年記得白雲紅樹裏

豐碑猶峙孝廉阡

謂叔子先生

樂賓遺蹟劇荒涼難得賢孫闢草堂佳語恰符京兆宴
萃笙好奏第三章

指點家山入畫圖卅年鄉夢冷菰蒲秋來采徧菩提子

不見高陽舊酒徒

上舍祖伯明
翁豪於飲

芭香山人耐寒圖

旌旗杳杳雪漫漫南國頻年特地寒
那得大裘裁白傅祇應高臥學袁安
披來絮帽蒙頭穩撥盡鑪灰出手難
我亦風霜經百鍊要留晚節與人看

竹深荷淨圖應恭邸教

密密千竿竹亭亭萬柄荷
賢王觀道妙清氣得天多
勁直標高節虛靈養太和
自然塵俗遠涵泳盡

恩波

賜第西涯傍名園北淀連
身依霄漢表心結水雲緣
寶繪和煙潤新詩帶露鮮
披圖尋樂處應不著言詮

送董蓉初觀察似穀之官江右

江風引鰓下洪州記我從前兩度游
瞥眼雲煙過卅載關心烽火近三洲
可堪寂寞高人榻無復岧嶇帝子樓
莫道中原磨鳳少斗牛紫氣未全收

枋頭形勢控巖疆先德留詒澤未忘
往日韓刀巡戍堞

至今棠茇在黎陽

嘉慶癸酉尊公藹如先生
守潯保障畿南功烈甚偉

拊循凋瘵

恩宜徧部勒森嚴氣始揚
努力好承忠孝志雙江波送
頌聲長

奉酬祁涑甫相國隣園老樹二首和元韻

己未

蒼蚪蟠攬影交橫遙指星榆傍斗城
拔地高柯根抵厚

中天華闕棟梁成更無羅薦枝頭繞祇覺風泉并幹清
記寫方山濃黛色叔鸞高致勝關荆

謂辭士
侍郎

餘蔭分來野老家桑榆景短日西斜已當菌壓落薤後
可奈飄風急雨加朽質豈能重茁枿醜枝生怕再開花
淮南搖落高秋感故國雲山望海涯

附祁作

隣園老樹翠煙橫矗立高岡近鳳城但見枝柯四時
貫豈知雨露百年成經冬秀色堅多節入夏濃陰鬱
更清曾記樂泉泉上坐池南橋北對柴荆

婆娑分影到鄰家駛雨新晴日未斜香葉苦心應愛

惜碧梧翠竹已交加
幽棲或引西山鶴
晚節還憐老圃花
欲把濁醪呼共醉
隔籬惆悵卽天涯

讀測圓海鏡偶憶丙子夢中事因書其後

四十年前了了觀
本師導我路迷漫
祇因未測天元奧
不辨當空海鏡寬
厯劫早從推策定
量沙方覺運籌難
夙根已昧忘蕉鹿
怪底攢眉色不歡

壬戌同年雅集圖

咸豐乙卯卓海帆相國以同年雅集圖屬題
未幾公卒踰年公子鶴谿侍郎又歿此圖遂
弄置篋中習習五年矣追賦長篇不禁黃
墟之感云

華陽相國登台槐陶鑄萬葉羅羣材示我橫圖徑三丈

云昔齊年高會黃金臺綸巾紗帽人十五兩行銀燭朝

天回春風吹衣雜花放勝游每嘅流光催當時七友屢

圖畫

壬戌諸公在吳門有滄浪七友圖

滄浪亭子胥江隈

此圖鬚眉尤逼肖丹青欲過濠梁崔吾師作記敘緣起

李芝齡師

意度神理能兼該披圖歷歷溯疇曩惜未奉杖相

追陪羣公嶽嶽負重望濟世各抱非常才經畚已開墳

典奧辭筆更冠文昌魁或乘蜚輪肅條教或坐棠茇躬

栽培就中長沙勳最著

陶文毅公

威鎮南服如霆雷維公晚

晚躋九列十載鼎鉉和鹽梅風豪雨橫費調燮不然事

業追伊萊慙遺一老天遽奪九秋慘慄邱山隕我時干
役右肱折東芻欲奠車輪摧元成相繼又徂謝戔戔雙
冢生陳荏徐君寶劍已心許舉筆欲下重徘徊卷圖付
還文孫平平泉池館空莓苔五年一瞬閱三世能不俯
仰心悲哀陰厓窮谷東風來潛蛟蹴踖滄溟開大江波
濤渺無際巖沙莽莽成飛埃時危應有異人出蕭曹裒
鄂安在哉何人功成圖麟閣德星煜燦明三能

十五人者謝蕉石朱雲陸沈鼎甫吳棣華梁芷隣陶
雲汀朱蘭坡吳退旃申鏡汀龔季思孫少蘭李芝齡
顧南雅卓海帆朱詠齋也以圖之先後序列

敏齋餽蒸鴨雙鯉走筆奉謝和東坡杜介送魚韻
桃弓射罷能言鴨柳綫穿來雙鯉魚憐我抽簪乏公膳
故教斫鱠佐寒蔬裹糧誰媿青荷葉隔巷無煩尺素書
爲遇太常齋日夥莫嫌訓報禮麤疏

微雪和東坡訪王定國小飲清虛堂韻

月離于畢風揚沙役車其休吏放衙已經
三壇薦瑄璧未覩六出霏瑤花屯膏久塵

九重念待澤奚止千萬家連朝同雲作意釀先噤凍雀
喧饑鴉宵來屋角息風響曉看林表明天葩龍公試手
尚艱澀有類郭索沙中爬瓦溝半薶鸚啄粒石鼎初瀹

龍團茶不知庭院積幾許但覺街鼓微停撾似聞郊圻
猶旱暵那免皇舞仍吁嗟浮嵐斂空山又睡杲杲寒日
騰紅霞

賞兵瓶歌疊前韻寄兒子同書

客有得古甕瓶於塗山者色白質甚麤弁口長脰高
一尺其文曰大周蘭州殄寇將軍造賞兵瓶五百尊
凡兩行十五字字隆起非篆非隸按殄寇將軍正二
命正九品惟宇文周有此官見盧辯傳及隋書百官
志

唱籌徹夜惟量沙羽書星馳晨坐衙桓山石室發光怪

千年陶器蒙土花銘辭十五冠周代將軍殄寇忘其家
造瓶五百賞兵用僧騰勇客如鳶鴉投醪饗士度淝水
想見酒肉傳滂葩至今饑軍自轉戰爐橋南北煩梳爬
屯田欲種芍陂稻土貢未榷廬江茶近聞楚軍已東下
江濤雷沸戰鼓撾臨淮雄關被羽克黎庶重見留子嗟
聞袁午橋克復臨淮八公草木亦嫖怒千戈萬槩開雲霞

和詩船尚書除夕韻二首

是翁真矍鑠影翠綬垂銀物望歸京尹朝班重老臣

與公

桂燕山許漢生年最高衆推爲三老

且圖三丈絹莫戀五湖蓴元日彤庭

宴

明年元旦舉行太和殿筵宴

賡颺侍

玉宸

詩律香山細閒情妙剪裁唐花添炕火爆竹損階苔雙
引金蓮燭重開玉簪醅春風消息近好賦廣平梅

庚申元日涪甫相國和微雪韻見示再疊前韻奉

訓

雪鴻陳迹風平沙常參朝衙復晚衙三年牙籌領計簿
五夜椽燭燒高花爾來一病臥半載如游天上初還家
頭風槃珊學舞鶴手棘瑟縮書塗鴉和章忽枉報瓊玖
風格高壓瑤林葩朔風吹鬢句奇崛險韻筆力工接爬
玉堂對直如夢寐真味記噉頭綱茶槐街地僻車馬少

振童隊喧籬鼓搗公心後樂肯獨樂能不撫序興微嗟
詩成傳送迴玉琯春韶喜氣開雲霞

附祁作

禁城東出隄擁沙近市有宅鄰官衙自從養疴謝

朝政老圃無地吟黃花霏霏雨雪夢未了憂國久已

忘其家

公宅城南橫街以職事繁重賃屋城中獨居已數年矣

槐街病交更憔悴

五載臥聽城頭鴉朔風吹雪欺鬢髮不肯散作瓊

林葩公詩示我祭詩日快若頭垢遭梳爬清虛堂中

一翹首寒味已領髯蘇茶仍依老樹誦新句卻喜閉

門無客搗密雲在郊鴻在澤歲莫對酒三歎嗟報章

初成斗移柄城東爆竹催曉霞

人日滄甫相國再疊沙字韻見示三疊前韻奉酬

先生詩筆雖畫沙驅使屈宋欲作衙

用山谷詩句

草堂人日

誦新什滿枝未見開梅花鐫剗造化幹元氣春信先到
詩翁家軒軒清迴闌苑鶴皎皎騰翥搏桑鴉楚山猿公
稱勅敵斂手退舍驚奇葩法華山人蚤聞道背癢時遣
麻姑爬汗流籍湜各走避旗槍且鬪盧仝茶追奔三周
華不注登高憑軼鼓尚撾更傳吉語到賭墅笑折屐齒
兒童嗟宵來扶杖祝參昴淨埽寥廓明江霞

附祁作

賀春車馬風走沙僵臥不知官散衙連篇珠玉落懷
袖使我枯筆重生花蕭騷白髮兩病姿浩蕩人海同
浮家賸有寒窗伴書蠹更無列炬驚林鴉楚山猿公
長嘯去狂詞震耳猶滂葩法華山人笑拈指技癢時
時煩一爬謂與子貞詩船倡和新年閒趣那易得霜橘沁脾勝
雪茶惠福橋郢曲彌高和益寡况我鼓衰難再撾園基
終望謝安石佩玖欲歌留子嗟且看瑤階列瓊樹爲
公洗琰斟流霞

四疊前韻謝何白英太守國琛兼呈淳甫相國
長安冠蓋恆河沙插版東帶催趨衙豈知詩人何水部

獨尋東閣吟梅花漫徂辛峰兩亭長共指城南通隱家
南陔晴暄巢乳燕北堂松茂栖慈鴉羨君純孝發天性
皎皎潔白侔晨葩長才小試理軍饗白鹽山積煩炊爬
事成拂衣歸養母焉能遽樵荆南茶君在浙中經理
鹽茶互易事板
興且共兒子舁柴扉喜無熱客撾如此至樂那易得觸
予往事生咨嗟春風吹和春日永爲君介壽斟九霞

滄甫相國用前韻題藥洲訪石圖五疊前韻奉謝
神物只合沈泥沙矧迺寶氣騰官衙當時悔施槌鑿手
剗取榕根拭薜花驪珠躍出卅有一補入粵東金石家
想見米顛袍笏拜淋漓濡筆墨點鴉夏雲層閣語侂怪

乾文錯落辭紛葩使車重到戴學士寫我擁篲勤推爬
豈知小劫廿年後五羊穗石付五茶夷部落名借用琉璃盛酒
蠶樽勸昧任合樂銅鼓撾垢汗何處避擊招護持無術
空谷嗟仗公筆端有神力淨洗九曜開層霞

和彭詠莪相國元旦 賜花翎紀 恩詩元韻

春風元日

紫宸朝上相崇班冠百僚

特賞元功影孔翠由來累葉珥金貂樞垣聯騎三花粲

穆晴軒司馬同拜

恩命霜鬢論兵十載遙聞道越裳今讐伏兩階

千羽嬈虞韶

和張詩齡尚書晉太子太保銜紀 恩詩元韻

恩隆耆碩

紫泥開瑞協邦家頌有臺寅亮

帝嘉元老績辰猷天錫濟時才作朋三壽歌純嘏愷讌
千鍾慶屢陪衰朽自慚蒲柳質

九霄雨露負

栽培

元夕詩齡尚書餽粉養走筆奉謝用東坡贈段屯
田韻

涉春日方三獻歲月已半團樂符吉語節序動咨嘆衰

齡耆飲食舖啜聊自玩炊糜任浮沈抄飯感聚散樗材
天所棄藥衰近相伴饒鼓喧比隣爆竹聲達旦尚書餽
粉養璀璨堆几案舂磨真味出圓轉舂鐙亂馨香鼻先
通搏腕手屢盥老饕食指動咀嚼不容緩揚湯雪浪翻
盛盃珠光貫果餡別酸醎酒杯欺淺懽滑甘便牛同和
煦滅獸炭養癰乏安巢高誼等適館茵陳土膏融幡勝
協風暖明日正
辛祈庶望飽白粲

和周益公浮圓子韻訓詩舩尚書

令節逢元夕嘉名訝許同

吳中名園圓京師人直呼爲元宵

浮沈無定

質水火得全功月寫團樂掾春歸鼎鼐中年年陪

曲讌調燮

皇風

元夕 曲宴廷臣必嘗此品

和敏齋太常開印詩韻

瑄璧禮神明旂常紀義征

三壇昭敬肅五嶽達精誠

黼座勤民切祠官奉職清衰羸何以報拜跪羨身輕

六疊沙字韻訓蔣霞舫府丞達

良金不躍薶泥沙衡文環坐如官衙九秋高會風雨散
十載栽成桃李花湖光山色若在眼玉簪羅帶常思家

尚遲驂鸞筵鵷鳳肯學嚇鼠隨烏鴉長篇小字忽投贈
瓊枝卓立含鮮葩逸如移情成連操快似長嘯嵇康爬
寬饒汲黯更嫉媚回憶試院同煎茶引商刻羽聲慷慨
淵淵恍聽漁陽搥橫江東來一鶴遠朱伯韓已歸桂林伯韓有來鶴山房集
側身南望長咨嗟獨餘一鶴翥雲路王少鶴往津門逝將東
瞰搏桑霞

二月八日喜雪七疊前韻

鳳泉枯澀飛黃沙羣公齋被愁坐衙吾

皇精誠格

太社三日灑遍瑤林花土膏旋融積四寸汜布三輔周

千家九衢來往斷車徹飛騰送喜喧宮鴉前宵濠州馳

露布

前二日袁甲三奏克復鳳陽逆首張元淮伏法

淋漓大筆詞紛葩上云渠

魁已就縛下云淮甸窮芟爬海航正輪吳會稻方物行

貢滯霍茶會看氛祲豁江表饒吹不聞鼙鼓撾農夫緯

耒及雪澤萬方歡樂無怨嗟時晴更臨逸少帖想見旌

旆明雲霞

春雪和白英韻

晴雪光融鳩鵲樓來牟定報十分秋液池柳暖回青眼

潭柘峰高已白頭乘興君方思蠟屐殘年吾欲老菟裘

將移寓宣南坊

自憐病鶴襴襴甚能向支公一舞不

君招子陪壽陽相國

集松筠庵

病未能往

年時百尺上層樓校藝分題韻賦秋立雪眞依香案吏

羣仙高會玉山頭

甲戌中春大雪學使陳雪香師集士五十六人賦詩四章以舉實爲秋爲

韻祇今羸老歸三迳賸取蒙茸臥一裘怕說聚星堂故

事此生酬得舊恩不

移居城南東敏齋太常

一紀交親隔巷居每逢風雨慰吾廬竭來別賃三間屋

乘興先移幾束書近市祇求知藥價短童兼便買春蔬

禁城回首如天上莫怪周旋禮數疏

地傍東華紫氣臨直廬清寂晝悒悒

三天曉漏趨班近六載春風受益深

先師在時常謁禮堂講學

曳杖

已驚梁木壞承筭更歎曙星沈

同蘇婦君之愛女也巳於前年歿矣

年來

白髮飄蕭甚話到親情感不禁

謝清甫相國賀移居八疊前韻

春風氣靜雪壓沙馳道平直當槐衙條風初轉玉河柳
曉市未賣豐臺花宣南新賃數椽屋差近鑿藥思移家
九霄高翔翮羽鳳千仞下視爭巢鴉新詩賀我燦花管
欲與春雪分天葩我方拮据銜窶數塵編蠹簡勞羅爬
兒攜鉛槧問奇字童拾石銚烹團茶閉關卻埽聞啄木
蹇然疑是雙扉撾斜街咫尺不可到拄笏坐對西山嗟

息園佳想定安善滿園晴旭烘朝霞

附祁作

斗室日暖無風沙凍蜂忽來喧午衙似憐盆梅落未

盡春氣已逼花朝花吾睡正濃尺書至書云拙容將

移家破壁翻笑般薑鼠

川書中語

好枝欲借藏柳鴉書生

家具書幾束藥洲片石詩吐葩尚煩旬日手檢點未

免塵土遭鉤爬舊隣豈肯厭近市新竈但求供燒茶

況聞怡園在咫尺

與詩胎尚書同卷

得句定許晨扉搥老松

孤鶴久寂寞楚猿一去心更嗟安得萬花深處兩筇

杖雨後同看西山霞

白英賀予移居依韻奉謝

輭紅香土怕塗遙移宅宣南過雪朝便覺濠梁生逸興
不須鷗侶苦相招三弓地僻鉏花圃百和爐薰透藥寮
回向五雲深處望西山積玉未全消

新居卽事

卜宅新移履道坊城南聊借一壺藏已欣密蔭環蝸舍
尚厭喧聲近馬行所居爲兵馬司中街近驛馬市排到乙籤書坐擁引
來午枕夢偏長連朝又見三番雪真合嘉名號雪堂

和陶移居

服官四十年而無一畝宅衡門忘寒暑逆旅數晨夕十

載住東華鞅掌事朝役去年病在告始得親几席風雨
感索居悲歡滂疇昔且誦卜居篇端筴疑共析
桔鞠性至拙載詠召南詩營巢久未成一旦乃得之補
茸粗就緒俛仰默有思故居幸相近思我初來時決起
榆枋閒翔集仍在茲飲啄皆前定古人豈余欺

新居和東坡韻

明月照空庭橫斜散林影不圖塵囂中得此清幽境返
觀百慮澄默坐萬緣屏焉知人事紛但覺良夜永墮土
培陳根攜瓶灌新穎守茲地三弓勝彼田二頃

詩舲書來云連日對雪時時誦香山與元八卜隣

詩馳念不已甚感其意卽用香山元韻奉酬

卅載交情老更親衰殘憐我乞閒身
竭來近闢三弓地相約同傾萬戶春
且自葺蘿補茅屋未遑祭竈請比鄰
柴門晝閉炊煙靜倍憶江湖澹蕩人

雜興

人海茫茫此卜居江鄉何處是吾廬
恰當解組攜鉏後正好牽蘿補屋初
小葺藥闌花掩映平分隣樹影扶疏
只愁一雨牀牀漏且護窗前幾束書

龍鍾潦倒一衰翁那得還丹療聵聾
枕上喧豗聞耳雨眼前眩轉怕頭風
好春芳草無情碧夕照天桃特地紅

我自衰殘非好遯不須容易決窮通

鎖口衡門剝啄稀灌園且息漢陰機鳥如識面間關語
雲本無心下上飛聊把長鑱尋大藥好留餘地種當歸
朝衫典卻餘寒在底事揆尋舊篋衣

草木蒙茸百不宜柴門僻巷少人知繁花謝矣風前舞
新月娟然葉底窺鴉噪也應迷旦暮蛙鳴渾不辨官私
休閒欲覓安心處只有曹騰一覺時

薄暮偶成

三月春風力尚尖強扶藤杖起巡檐慈鴉棲穩須防繳
乳燕歸飛莫近簾榆筴舞空游蝶鬧蛛絲布網落花黏

支公病鶴離襪甚虛費中軍二百籤

七十自歎

年躋中壽亦奚爲癯老衰殘祇自知落日銜山方冉冉
歸巢飛鳥莫提提鄭公扶杖傳家日呂望投竿奮學時
太息餘生能有幾松楸空益首邱悲

五日感興

汨潭此日賦懷沙欲酌湘纍轉自嗟漫說綵絲能續命
可憐巢燕已無家候風估舶來黃雀辟火靈符少絳紗
回首江南歌舞地不堪重對石榴花

哀江南十二首

斗牛紫氣斂寒芒
莽莽江南劇可傷
深塹三重環白下
妖氛一夜徧朱方
旄頭星質隕危堞
鐵面軍來棄大航
不盡蘭成身世感
暮年詞賦太淒涼

沿江樹柵築長圍
太息元戎計本非
九沱尚容金翅渡
三山依舊白雲飛
可能餌斷長風夾
漫詡繩量采石磯
日日羽書騰捷奏
坐令制勝失先幾

潛師桐汭撲臨安
鏖戰牙城萬戶殘
凶猷忽銷憑鐵弩
回軍全力注銅官
縱橫五堰形先據
徵調三吳勢已單
佐幕諸公多白面
誰籌大局濟艱難

大旗獵獵萬營環
坐甲提戈鎮日閒
卷地白波踰瀨水

突圍青犢滿鍾山柳中虎兕威難縛帳下貔貅血盡殷
餘燼倉皇收不得前鋒早已度昭關

巖城百雉鬱嵯峨轉戰連朝到曲阿尋約漫嗤吳髮短
中宵忽聽楚歌多鼓鼙聲死悲猿鶴旗幟風陰散鶴鵲
招取國殤魂恟怳練湖神亦醉婆娑

火箭雲梯百道攻晉陵形勝控江東登陴固守留耆老
拜表過征避阿童墮淚有碑摹叔子借籌無計勝檀公
魚緘附寄惟齎粉走馬奔牛語未工

爭舟拔旆似山傾委積資裝壁壘平督戰難求蘇武節
傳烽已逼闔閭城更無慷慨先投袂祇有從容自結纓

南八男兒青史在莫將成敗論平生

九探赤白競分曹比屋填闐唱董逃極浦青蒲帆影斷
漫天朱鳥陣雲高塍荒無地留籠稻鬼哭何人薦艾糕
血染平江江上路綠波紅膩去滔滔

于思棄甲曳諸于繡鬚公然佩虎符載寶已聯青雀舫
竄名仍隸黑雲都雄關晝敞誰譏察軍令宵傳定有無
眼看鴟夷浮海去鄉民指點說荏苒

暨陽東去接南沙村鼓如雷四面撾鹿苑戈鋌成一隊
鵝城煙火護千家老罷當道誠難過微虎宵攻靜不譁
終是弦歌遺化在

九重動色爲咨嗟

又報孫儒走秀州連城卷地一時休樓頭煙雨迷離夢
湖畔鴛鴦浩蕩愁稻蟹波沈三泖月蒹蘆風急五茸秋
傷心除卻南徐樹江左真無片壤留

聞道南豐幕府開援師絡繹

詔書催盧循兵已焚查浦溫嶠軍方駐大雷上策自應
全局算遺黎久望使君來支撐半壁清

天步旋轉終資不世才

立秋日白英詩來屬予書近作於扇頭兼乞詩舲

尚書畫山水卽和元韻奉訓

誦詩感園桃當食發三歎

適詩齡饒桃

秋風今日動未敢學

張翰三吳佳麗地渙若春冰散兩月無長官軍畫誰與

贊煌煌執法星煜燿昏迫旦縈回斗牛躔芒角射斜漢

吾鄉衆一旅統帥乏曹灌叱咤風雷興忠義金石貫所

虞壤地瘠或者糗糧斷

時吾邑已苦守三月

近聞薛使君轉戰誓

伐亂被羽克茸城喜極難悲惋回軍收櫓李次第有成

算威騰武旣揚功倍事猶半卷旆指平江時哉不可翫

華亭老尚書繪事工點竄橫雲黛色皴泖塔花光漫參

差若在眼絡繹齊赴腕只愁兵火後景物倏已換圖成

幸示我展眎手先盥鄉思秋懷并登樓賦王粲

得華三族叔祝封東昌訃詩以哭之

去年八九月吾叔來京師訪我東華館拄杖攜幼兒我
時方在告扶病起見之不晤廿載餘霜雪忽滿頤相見
久愕眙不能措一詞就席展情話時復揚鬚眉上云百
年來久已吾宗衰丁口漸凋零簪纓漸式微自從我先
人僑居衛河湄不知尚書後今尚存幾支惟泉亦有派
惟木亦有枝如何千里隔長此三鄰離下云吾母幼值
我髫齡時麻衣冒冰雪徒跣輿匱歸艱難縈片壤北麓
高厓巖一別六十載魂氣常相隨坐久進雞黍譚深勸
杯卮醜縷述平生纖悉知無遺語多雖亢沓不離孝與

悲酒冷還重溫塵落仍手持自辰迨申酉起眎晷屢移
甚喜親情洽未覺筋力疲是時天氣涼颯颯秋風吹庭
前聚落葉旋轉鳴階墀采采黃金英璀璨盈東籬白日
欲西匿揮手從此辭年華各老大那復訂後期今春寄
書至鄉夢日夜馳餘生幸未死定酬展墓思豈料未百
日凶耗忽已披老成歎凋謝衷曲當告誰江南亂無象
鄉國方阡危骨肉不可保傳聞尚然疑作詩念邦族匪
獨長逝悲

卽景

桑柘陰濃聞布穀芰荷葉淺立提壺榆錢滿地無人埽

盡日春風唱鷓鴣

偶書

弓刀小隊出郊垞左次倉皇駐望亭巾幘已貽蕭姥笑
莛蕁難乞蔣兄靈斬關五夜防投礫飲馬重邱莫毀瓶
日暮更從何處宿小松城下好揚舲

雜感

泥孩妙製擅鄜州

鄜州泥孩兒見老學菴筆記

聞說梁谿勝武邱

今日惠山泉下過竹鑪村釀一齊休

羊頭車子

見蓉塘詩話

隻輪扶月暗沙明礪練湖今日叢祠

應載鬼狐鳴篝火影模餉

藥王觀世音象歌

東魏元象二年二月二日丁連爲母病敬造藥王觀
世音象凡文二十三字鐫像背

青雀東飛延十稔殿上籠東狗脚朕循廊空望黃髮期
只待金罍勸酣飲礪山巨象槃散來蹴蹋涌見蓮花臺
神廡神雀同紀瑞憑仗佛力消天災二年二月重二日
丁連母病祈鴻術鎔金鑄象禮藥王虔心念彼觀音力
莊嚴妙相精神完普度人間藥一丸力通上下三關易
欲去膏肓二豎難是時法星方入斗劫燼灰飛亦何有
江南洛下化煙塵無限慈悲但低首茫茫劫運經千年

三萬寺衆絕可憐此時佛出救不得殺邇河邊飛上天

中秋對月和東坡中秋月韻

年年中秋月朗耀遼海東今年橫海鯨掉尾畿甸中清
輝自澈澈依然照房櫳豈知京邑內十室已九空微垣
帝車動星旂雲旂從天駟蹕銀漢鉤陳環紫宮鞭笞駕
鸞鳳變化憐沙蟲姮娥按舞罷斂袂避有窮如何倍皎
潔偏令愁人逢潛魚亦不寐竟夕聽噉囁

古月影團樂今月照離別古今月豈異觸事自悽咽惜
哉瑤池會風景歎虛擲誰勾三萬戶守此七寶闕念彼
執父子隔道疇陰樾禁營屯棘門飛騎穿柳葉干戈等

兒戲盟約少成說
弦高贊乘韋有似賦
苧栗火箭赤若雲
戰骨白于雪時無
羊侃才目斷心摧
絕

旌旗颭萬雉莫角吹淒清
勤王諸道師卷甲方夜行
炊煙日數竈廣隊或脫局
如何旬日久不聞鉦鼓聲
冰輪暖暖滿太白睽睽明
矯首望南紀殺氣吳會并
骨肉生死地聚散如浮萍
吾邑固守已逾百日
糧匱援絕恐難保矣
萬方旣多難翻怕同陰晴
時危頑懦奮世亂身家輕
默觀盈虧理惻惻傷我情

長鯨篇

長鯨呿東海隱若連山脩
朝噴三里霧暮吸十丈舟
蜺

蛇相糾結蛟蜃從之游神仙避凶讎不得安十洲一朝
罹天網騰擲辭長流巨斧斫汝尾長戈舂汝喉絲緡繫
汝項掠呂籠汝頭鱗鬣雖怒張顙頰已挂鉤僉謂當殺
卻大憖殲蚩尤旁有釣鼈客蹶爾云不不此物跋扈久
湫壑多儕儔逝將逞其毒困鬪日不休不如羈縶之長
作籠中囚飲飢適其性剛很制以柔不見檻鬼章青唐
遂以收奈何遽捨去化作長黃虵磨牙撼山岳吐火焚
林邱康回鬱馮怒奮力觸不周天柱倏摧折幾致沈神
州惜無煙波客來參肉食謀

對月

疊嶂三秋冷孤城萬壑環可憐今夜月偏照大房山氛
祲何時息

鑾輿尚未還羈臣衰朽甚北望淚潸潸

九日有感

莽莽烽煙劇可哀支離病骨怕登臺可憐九日虛佳節
忍見三山化劫灰木葉未霜先自隕菊花無酒不須開
辟兵難乞長房術且佩萸囊舞一回

感興

威弧弢微芒天狼辭參伐羽林躔右次紫塞駐
清蹕烈燄俄燎原兵氣漲京闕碧眼黃鬚徒搪突白虎

閨

朝廷軫蒼黎隱忍容此物文告擾而馴市肆靜以謐
深仁二百年淪浹到肌骨眎彼唐宋代事理固超軼儻
忽踰四旬斗柄蚤指戌灤陽多雪霜原野已蕭瑟庶幾
鑾輿還坐見妖氛豁都人望

翠華何日慰飢渴

惻惻秋風酸悠悠念我里氛祲被三吳列郡皆風靡吾
鄉最爾邑仗義乃特起轉戰抗凶鋒誓衆守孤壘糧匱
誰與呼援絕復何恃支持百餘日危城竟陷矣似聞殺
戮慘狼藉到大豕飄零想宗邨夢寐見生死廬舍蕩煙

歷田園長荆杞所痛先壟荒松楸恐摧毀矯首望四方
俶擾皆若此嫠緯不自卹遑敢計孫子

房山道士歌

房山道士雲中鶴下視人寰極寥廓興酣潑墨寫房山
元氣淋漓滿林壑結茆小住留侯臺丹青肯貌尋常材
山深儻有異人至赤松黃石安在哉鸞吟鳳嘯出燕市
眼底風塵竟如此但驚怪物化黃虬豈有奇姿肖青兕
竭來顧我爲寫真筆端弈弈疑有神掀髯一笑拂衣起
與爾同是支離人我年七十苦風眩華顏已皺觀河面
出入扶持仗鐵君不知何日休征戰燕山十月霜風酸

蕭蕭落木易水寒圖將巖岫孤雲易寫出桑榆戀日難
連天兵火吳門道苦憶龍鍾覩老妙筆傳神絕世無
老友胡芑香年八十只愁埋沒隨荒草房山道士奈爾
工傳神吳下罕匹何滄瀛溟渤揚風波前行豺虎後蛟鼉削平全賴賢豪
多何不畫取下邳北橋鬱嵯峨纖纖殘月沈山阿丹藜
赤舄兩鬢偻長者冉冉徐經過三度後至煩撫訶素書
一卷歸伏哦掃除氛祲消干戈旋乾轉坤六合和嗚呼
旋乾轉坤六合和與爾擊壤同高歌

對雪用東坡韻簡黃孝侯翰林

我行別西山山靈未忍送曾冰膠我轍飛雪卷我夢龍

公試橫吹快意作一弄聊復出苦語白戰與子共趁墟
寂無人起視餅餠空直北望灤陽

六飛駕鸞鳳苞羅壓毳幕沾蕩綴

松棟周廬屯萬騎駸駸忍饑痛吾儕敢卽安寒菜當自
種晚來風入牖排拶牛鳴鐺

寓廬若比隣折簡互馳送鄉關並淪胥

八月二日吾邑失守廿五日徽

郡亦陷孝侯休甯人也

人鬼雜魂夢曉行泥沒踝忽隔東西弄呼

兒起聯吟倡和惟汝共重衾冷到足四壁風過空巖城
聞荒雞下澤歌衰鳳頗憶丹稜泝烈炬摧連棟至今流
離子露次有餘痛天心固仁愛宿麥及時種且酌良鄉

醪自撥牀頭壺

懷瀟甫相國

大雲五色方山外可有松肪采一車正好倡訓依日下
那堪蹤跡各天涯無家我媿隣園樹去

國公留晚節花十月寒風燕晉道一齊回首望龍沙

和白英喜雪韻二首

快雪連番喜乍晴滋培宿麥免呼庚人情已慰三農望
天意能教萬物生永夜無聲催急柝衰年不寐對寒檠
龍公試手鯨波息盼到豐登卽太平

燕山晉水遠相望那得婆娑似壽陽自覺形骸成土木

更堪泉石在膏肓光搖簾幙寒如許韻和尖叉夜未央
莫問江南梅信息故鄉城闕已全荒

三月十三日約黃壽臣少宰何白英觀察祁子禾
太史爲補襖之會時子禾將歸覲省矣白英賦詩

二章次韻酬之兼寄壽陽相國

辛酉

小院花繁晝掩門強扶衰病舉匏樽已過脩襖須重補

偶得新知要共論獨樂名園誰主客

壽臣將質相國斜街邸第耦耕

無地問乾坤觀心靜驗風旛動四十年前舊夢溫

采采高原蕨不肥蚡蚡祠外柳依依知公舊日親朋少
歎我殘年伴侶稀吳地鶯花猶在否故山城郭已全非

鸞鳳鷗鷺皆同調心逐孤鴻向北飛

題潘星齋侍郎小鷗波館畫冊

六法精微問剡源鹿牀神契已忘言乾坤清氣江山秀
都化淋漓筆墨痕

讀畫南垞幾度經石闌點筆好池亭祇今重過丹稜泚
依舊西山萬疊青

前詩意有未盡再賦三絕

賜研齋頭證畫禪酒痕墨瀋兩詩仙十年舊夢分明在

憶著杭州倍惘然

謂戴醇士

經營慘澹仿荆關結想支硎鄧尉閒今日江南芳草綠

那堪聽唱念家山

翠蓋流蘇絢紫霞銓廳記共賞藤花包山圖畫君須繼
莫讓雲間老法華

指詩船尚書

詩船得奇石九寘於案頭因顏其室曰小飛雲館
繪於便而且作詩以張之屬題其後

平生未踟且蘭路方寸嶙峋起無數酒酣快誦緩公詩
何子貞有飛雲洞歌領略飛雲巖洞趣先生夢寐常見之彈指幻

境成須彌更將卷石託鄉思仿佛仇池綠似眉九巫我
亦重回首指點齊煙坐中九仙官雷電莫取將亟遣夸
娥二神守

題張良哉比部臨金壽門畫冊

冬心先生枯木禪，蹇驢破帽來江干。
邛溝淦淦瀉急湍，腥羶羅綺孤鶴翩。
閉門高臥全其天，精研畫理深九淵。
毫端一縷秋風酸，神出古異淡若煙。
清河公子美少年，冠佩憲憲鳴玉環。
壯游東覽博桑暎，武林湖山清且妍。
游藝餘事仿壽門，臨模頃刻十二番。
是真是贗孰辨論，拊掌大笑傲米顛。
先生化去今幾年，公子後出追前賢。
苑枯豈因集木遷，學詣詎待炳燭延。
神超象外忘蹠筌，筆力所到天無權。
高槐日午花影圓，小飛雲館列九仙。
煩君敷衽高堂前，拙妄此語然不然。

孔孝子詩

我身安得如榻長奇語天亦驚傍徨願爲人兄亦此意
髻鬣力比成人強祝融回祿相摧挫力與天爭更積貨
顏曾端木易地同若遇柳州當致賀霜天凍合歌無魚
北堂進膳色不愉層冰一斧如裂帛雙鯉躍出人懼呼
流傳軼事田間聽野老村農言可證采取風謠入管弦
留待他年修志乘

